



REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 64, datë 26.05.2023

PËR
AKREDITIMIN E PARË TË PROGRAMIT TË STUDIMIT TË CIKLIT TË DYTË
MASTER I SHKENCAVE NË “E DREJTË NDËRKOMBËTARE TREGTARE”, TË
UNIVERSITETIT TË NEW YORK-UT NË TIRANË

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për Funksonimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 26.05.2023, në kuadër të vendimmarrjes për akreditimin e parë të programit të studimit të ciklit të dytë, Master i Shkencave në “**E Drejtë Ndërkombëtare Tregtare**”, me të dhënat si më poshtë:

- a) Emërtimi i programit: Master i Shkencave në “**E Drejtë Ndërkombëtare Tregtare**”
- b) Cikli i studimit: Cikli i dytë
- c) Akti zyrtar i hapjes/licensimit: Urdhër i Ministrit të Arsimit, Sportit dhe Rinisë Nr.272, datë 28.08.2020
- d) Institucioni që e ofron: Universiteti i New York-ut në Tiranë
- e) Njësia bazë përgjegjëse: Departamenti i Drejtësisë
- f) Kohëzgjatja (Vite/semestra): 2 vite / 4 semestra
- g) Kredite (ECTS): 120 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Universiteti i New York-ut në Tiranë
- j) Niveli i diplomës në kuadrin e Kornizës Shqiptare të Kualifikimeve: Niveli 7

k) Gjuha e mësimdhënies: Anglisht

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Raportimin e Ekspertëve të Vlerësimit në mbledhjen e Bordit;
- e. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- f. Procedurën e vlerësimit të ndjekur dhe monitoruar nga ASCAL;
- g. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të “*Standardeve për sigurimin e cilësisë për programet e studimeve të ciklit të dytë “Master i Shkencave”*” dhe cilësinë e ofertës akademike të programit të studimit, është **“i përmbush kryesisht standardet”**, me mangësitë si më poshtë:
 1. Mospjesëmarrja e studentëve të këtij programi studimi në projekte, programe shkëmbimi apo aktivitete të tjera për studentët, të cilat zhvillohen nga institucioni.
 2. Organizimin, funksionimin, detyrat dhe përgjegjësitë e organeve përgjegjëse për sigurimin e brendshëm të cilësisë, nuk janë plotësisht të ndara qartë.
 3. Mungesa e një plani financiar mbi kostot dhe efektivitetin e këtij programi studimi, nisur nga numri i ulët i studentëve të regjistruar.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:


1. Vlerësimin përfundimtar **POZITIV** për programin e studimit Master i Shkencave në **“E Drejtë Ndërkombëtare Tregtare”**, të **Universitetit të New York-ut në Tiranë**.
2. **Akreditimin** e programit të studimit me kohëzgjatjen prej **4 (katër)** vite.
3. Afati përfundimtar i vlefshmërisë së akreditimit të programit të studimit është **25.05.2027**.

4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.


BORDI I AKREDITIMIT

SHQIPONJA TELHAJ



Kryetare

ALEXANDER KOHLER




Anëtar

AYŞEN SAVAŞ SARGIN




Anëtar

TOMASZ JELENSKI




Anëtar

IRAJ HASHI




Anëtar

MAURICE OUDEJANS




Anëtar

LEA YPI




Anëtar

KITA SALLABANDA DIAZ



Anëtar

DARINKA PIQANI



Anëtar

DRITAN NAÇE



Anëtar

Shtojca

Rekomandimet në zbatim të vendimit të Bordit të Akreditimit Nr. 64, datë 26. 05. 2023, “Për akreditimin e parë të programit të studimit Master i Shkencave në “**E Drejtë Ndërkombëtare Tregtare**”, të **Universitetit të New York-ut në Tiranë**, janë si vijon:

1. Institucioni, të marrë masa për rritjen e përfshirjes të studentëve të këtij programi studimi në aktivitete akademike, ekstrakurrikulare apo mobilitete.
2. Institucioni, të rishikojë “Rregulloren e brendshme për organizimin dhe punën e Komisionit të Përhershëm për Garantimin e Standarteve të Cilësisë dhe për Njësinë e Sigurimit të Cilësisë”, me qëllim përcaktimin sa më të qartë të organizimit, funksionimit, detyrave dhe përgjegjësi të strukturave që janë të ngarkuara me sigurimin e brendshëm të cilësisë, marrëdhënien mes tyre dhe të reflektohet kudo në rregullore saktësia në emërtimin e këtyre strukturave.
3. Institucioni, të hartojë një plan financiar mbi kostot dhe efektivitetin e këtij programi studimi, nisur nga numri i ulët i studentëve të regjistruar.
4. Institucioni, të marrë masa për rishikimin e rregulloreve të brendshme për efekt të plotësimit dhe unifikimit të termave të përdorur konform legjislacionit për arsimin e lartë në Republikën e Shqipërisë.
5. Institucioni, të shohë mundësinë e përcaktimit si drejtues të departamentit përgjegjës për këtë program studimi, personel akademik me formim juridik dhe kualifikime të nevojshme në këtë fushë.
6. Institucioni, të hartojë një analizë periodike të marrëveshjeve të vlefshme dhe bashkëpunimeve, mbi bazë të reciprocitetit dhe korrektesës në bashkëpunim, me qëllim që të vlerësohet impakti i tyre për këtë program studimi dhe të rinovohen ato, apo të lidhen marrëveshje të tjera me subjekte përkatëse me interes dhe përfitime për personelin akademik dhe studentët.

Në përmbushje të rekomandimeve të mësipërme, **Universiteti i New York-ut në Tiranë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

